

სახალხო დღესასწაულების კვირეული შიდა ქართლში

03 ოქტომბერი 2016

სახალხო დღესასწაულები გაიმართა შიდა ქართლის მუნიციპალიტეტებში. რეგიონის ქალაქებში გამართულ ღონისძიებებს ესწრებოდა სახელმწიფო რწმუნებული შიდა ქართლის მხარეში იოსებ ოქრომელიძე, რომელმაც ადგილობრივ მოსახლეობას დღესასწაულები მიულოცა.

საშემოდგომო ღონისძიებების რეგიონული კვირეული 28 სექტემბერს გორმა გახსნა. „გორის დღეებს“ დამეგობრებული ქალაქების ოფიციალური წარმომადგენლები ლიტივიდან, პოლონეთიდან და უკრაინიდან სტუმრობდნენ. უცხოელ სტუმრებთან შეხვედრები გამართეს რეგიონის და ქალაქის ხელმძღვანელებმა. საუბარი სამომავლო გეგმებს და ურთიერთთანამშრომლობის პერსპექტივებს შეეხო. „გორის დღეები“ ქალაქის ცენტრში გამართული სხვადასხვა ღონისძიებით და მრავალფეროვანი წარმომადგენებით 5 დღეს გაგრძელდა და 2 ოქტომბერს დასრულდა.

30 ოქტომბერს ქარელის ცენტრალურ მოედანზე ადგილობრივმა ფოლკლორულმა ჯგუფებმა მაყურებელს ხალხური ცეკვებისა და სიმღერების ნიმუშები წარმოუდგინეს. საკუთარი შემოქმედება გამოჟინეს მუნიციპალიტეტის კულტურულ-საგანმანათლებლო დაწესებულებებმა.

მსგავსი სახის ღონისძიება პირველ ოქტომბერს უკვე კასპმა უმასპინძლა, სადაც მუნიციპალიტეტის სოფლების მოსახლეობამ ქალაქში ადგილობრივი ეთნოგრაფიული ნიმუშები, ახალი გამოგონებები და სოფლის მეურნეობის პროდუქცია წარმოადგინა. რეგიონის სხვა ქალაქების მსგავსად ადგილობრივი და მონვეული შემსრულებლების მონაწილეობით კონცერტი კასპშიც ჩატარდა.